

INUIT ATAQATIGIIT

Inatsisartuni



13. februar 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka.

Naalakkersuisunut apeqqut:

- 1. Ataani allassimasuni Kalaallit Nunaanni Nunanit allaneersut ilisimatusarnerini, ingerlatsisuunerini pilersitaqarneriniluunniit nunatsinni inuussutissarsiornikkut ingerlatsisut akuutinneqarnissaannut atorneqarnissaannullu qanoq Naalakkersuisut tigussaasumik iliuuseqarsimallutillu nutaanik aallarniisimappat:**
 - a. Aatsitassarsiornikkut ingerlassani?**
 - b. Takornariaqarnermi?**
 - c. Ilinniartitaanikkut?**
 - d. Aalisarnerup iluani?**
 - e. Allatigut susassaqrarfiimmumut naleqquttuni suliaqarnermi?**
- 2. Nunat allat/ilisimatusartut ingerlatsiviillu allaneersut Kalaallit Nunaanni ingerlataqarnissaanni kalaallit ingerlatsiviisa peqataatinneqarnissaannut piumasaqaateqarnissamut Naalakkersuisut qanoq eqqarsaateqarpat?**
- 3. Naalakkersuisut pisaq manna pillugu paasissutissanik allanik ilanngussassaqrarpat?**

(Inatsisartunut ilaasorta, Múte B. Egede, Inuit Ataqatigiit)

Tunngavilersuut:

Inuussutissarsiornikkut ineriartortitsinissamut taamatullu nunatsinni ingerlatsiviit sapinngisamik atorneqarnissaannut tamatta isumaqatigiippugut. Aamma nunanit allaniit ingerlatsisunit, tassa aatsitassarsiornarup, takornariaqarnerup, ilisimatusarnerit il.il. iluaniippata. Taamaasiornikkut ilisimasat pigisat annertusarneqassapput, siuariartortoqassaaq, suliffissanik pilersitsiortortoqassaaq il.il.

Naalakkersuisut arlaleriarlutik oqaatigisarsimavaat, nunanik allanik, ilisimatusarfinnik ingerlatsivinnilluunniit isumaqatigiissuteqarnerni imaluunniit ataatsimeeqateqarnerni kissaatigisartik tassaasartoq, - taakkua kalaallinut inuiaqatigiinnut inuussutissarsiornitsinnullu iluaqutaassasut. Tamannalu aallaavigalugu oqaatsit kusarnartut piviusunngortinnissaannut Naalakkersuisut tigussaasutigit qanoq iliuuseqarsimanersut paaserusunnarpoq. Inuit Ataqatigiinniit Kalaallit Nunaanni ingerlassat tamakkua sapinngisamik nunatsinni ingerlatsivinnut iluaqutaasariaqartut isumaqaratta taamatut apeqquteqarpoq. Kalaallit inuussutissarsiornikkut ingerlassaanni inuiaqatigiinnullu tamanut aaqiisutissanik iluaqutaasussanik nassaaqatigiinnissanut neriuuteqaratta.

Apeqqutima ullut suliffiusut qulit iluanni akeqarnissaat kissaatigaara.